

Lectio Divina komunitária

Leitura: Jo 10, 11-18

¹¹Ha'u mak bibi atan diak. Bibi-atan diak saran nia moris ba nia bibi sira. ¹²Maibé ema ne'ebé la'ós bibi atan, la'ós bibi na'in, hare tiha asu fuik mai, nia halai hodi soe bibi sira, ne'ebé asu fuik kaer hodi halo namkari. ¹³Tan nia ema kontratu, la tau matan ba bibi sira. ¹⁴Ha'u mak bibi atan diak, Ha'u hatene Ha'u nia bibi sira, no Ha'u nia bibi sira hatene Ha'u. ¹⁵Nudar Aman hatene Ha'u, nune'e mos Ha'u hatene Aman; no Ha'u saran Ha'u nia moris ba Ha'u nia bibi sira. ¹⁶Ha'u sei iha tan bibi seluk ne'ebé seidauk tama iha bibi luhan ida ne'e. Ha'u sei dada mós sira mai. Sira sei rona Ha'u nia lia, no sei iha bibi luhan ida deit ho bibi atan ida deit. ¹⁷Aman hadomi Ha'u tamba Ha'u saran Ha'u nia moris atu simu fali nia. ¹⁸Ema ida la hasai Ha'u nia moris housi Ha'u; hodi Ha'u rasik nia hakarak mak Ha'u saran moris ne'e. Ha'u iha kbiit atu saran Ha'u nia moris, no mos iha kbiit atu simu fali nia. Ida ne'e mak ukunfuan ne'ebé Ha'u simu husi Ha'u Aman."

Hahú husi versíku 11 Jezús identifika an nu'udar bibi-atan diak. Ha'u no la'ós ema seluk, ha'u deit, ha'u-nia kualidade bibi-atan nian mak ida diak; loloos iha lian gregu iha adjetivu *Kalós* la'ós *agazós*, labele tradús ba *diak*, maibé *furak*. Ha'u mak bibi-atan furak, maibé la'ós iha sentidu estétiku, maibé iha sensu ezemplár nian: ha'u mak bibi-atan modelu. Ha'u mak modelu bibi-atan nian, katak ida ne'ebé ho sériu tau matan ba situasaun bibi sira nian no Jezús niaidentifikasaun ho bibi-atan lori ba identifikasaun ho Maromak rasik, ho Javé, povu nia bibi-atan; Israél mak bibi sira ninia luhan nian. Ha'u, nia dehan, mak bibi-atan modelu no, nu'udar bibi-atan modelu, ha'u saran moris ba bibi sira. Bibi-atan diak saran nia moris ba bibi sira.

12 Sira seluk make ma kontratu no tanba bibi sira la pretense ba nia, nia husik sira no asu-fuik mai ataka sira no tata sira. Ha'u fali, tanba ha'u mak bibi-atan/mahein hanesan Maromak, no ilas bibi-atan nian, ha'u duni mak revelasaun Aman nian

14 Verbu *koñese* la'ós verbu intelektuál, maibé verbu kordiál ida, hatudu relasaun afetiva; ha'u koñese ha'u-nia bibi sira iha sensu katak ha'u hadomi ha'u-nia emar sira hadomi ha'u; iha relasaun mútua, besik ba malu.

15 Nu'udar Aman hatene ha'u nune'e mós ha'u hatene Aman; hanesan iha relasaun íntima iha Trindade, nune'e kria fila fali relasaun ne'e entre Maromak no ema sira no ida-ne'e akontese tanba Jezús oferese nia moris ba bibi sira. No la'ós de'it ba sira Israel nian, Jezús dehan, maibé mós ba bibi seluk, sira ne'ebé la pretense ba luhan ida-ne'e mós.

Luhan ne'e mak sé? Povu Isra'el, luhan templuk nian. Iha povu sira seluk no sira mós ha'u tenke lori, tenke gia iha ézodu salvasaun nian.

16 Laiha tan ona separasaun entre Israél no povu seluk, maibé povu foun ida de'it, ho bibi-atan ida de'it, Jezús Kristu.

17 Domin mak relasaun kl'ean no motive mak: ha'u saran ha'u-nia moris. Jezús nia modelu mak ida-ne'e duni, saran moris, saran nia eziénsia rasik, prezente domin nian no ema seluk labele foti. La'ós akazu ha'u nia mate, la'ós asidente ida baibain bele mosu, maibé ha'u mak hakarak, ha'u rasik mak saran duni.

18 Ema kbiit laek, iha-ne'ebé ha'u bá imi labele mai, ha'u fali bele; ha'u bele foti fali tanba ha'u iha kbiit domiin nian, katak possibilidade atu fó. Ha'u mak mesak de'it (úniku), dehan Jezús; ida-ne'ebé

bele hadomi loloos e ha'u-nia presente domin nian ida-ne'e mak halo imi bele hatán ba Maromak ho domin ne'ebé hansen.

Meditasaun

Pontu ruma ba meditasaun pesoál:

Jezús mak buat ida de'it ho Aman, sira iha relasaun íntima, relasaun domin nian. Entre Jezús ho Aman iha diálogu kontínuu, komuaun kle'an.

- Vinkulasaun/ligasaun hanesan: Espíritu karidade nian
- Vontade/hakaran hanesan: ema nia salvasaun
- Estrada hanesan: Maromak nia haraik an tun ba ema nia nivel
Ne'e mak unidade kompletu, saran an total iha domin.

Vinkulasaun hanesan: Espíritu karidade nian

"Ha'u hatene Ha'u nia bibi sira, no Ha'u nia bibi sira hatene Ha'u. ¹⁵Nudar Aman hatene Ha'u, nune'e mos Ha'u hatene Aman".

Nia mak Úniku, Maromak mesak, no hatene ita kle'an liu...no hadomi ita ho Aman no Oan nia domin. Ita horik iha hakohak ne'e nia laran, horik iha domin ne'ebé fó manas, fó roman, fó moris. Ita horik ho Nia nio iha Nia iha momento hotu. Ita moris tanba Nia tahan ita ho nia iis moris nian no la husik ita: "Ita heli ita-nia oin, no ami lakon dalan, Ita hasai iis no ami mate, ami fila fali ba rai-rahun" (Salmu 104, 29). Ita-ni amoris iha nia liman laran. Nia rasik mak halo ita iha kbiit atu hatán ho domin hanesan, "to'o rohan" (Jo 13, 1).

Vontade/hakaran hanesan: ema nia salvasaun

"Ha'u saran Ha'u nia moris... Ema ida la hasai Ha'u nia moris housi Ha'u; hodi Ha'u rasik nia hakaran mak Ha'u saran moris ne'e. Ha'u iha kbiit atu saran Ha'u nia moris, no mos iha kbiit atu foti fali nia. Ida ne'e mak ukunfuan ne'ebé Ha'u simu housi Ha'u Aman."

Aman nia vontade mak Oan nia vontade. Oan la terus, Oan hakarak. Hakarak tanba nia lakan ho domin ne'ebé hanesan. "Ha'u mai housi lalehan la'os atu halo Ha'u nia hakarak, maibé atu halo tuir Ida ne'ebé haruka Ha'u mai nia hakarak. No Ida ne'ebé haruka Ha'u mai nia hakarak mak ida ne'e: atu Ha'u keta lakon buat ne'ebé Nia fó tiha mai Ha'u, maibé atu Ha'u halo sira moris hi'as iha lora ikus. Basá Ha'u nia Aman nia hakarak mak ida ne'e: katak ema ida-ida ne'ebé hare Oan hodi fiar Nia, ema ne'e sei hetan moris rohan laek; no Ha'u sei halo nia moris hi'as iha lora ikus" (Jo 6, 38-40)

Estrada hanesan: Maromak nia haraik an tun ba ema nia nivel

"Ha'u saran ha'u-nia moris..." Nune'e mak Jezús, Liafuan ne'eb'e horik nanis ho Maromak, Liafuan ne'ebé Maromak hanesan S. Paulo hateten "Nia halo an kiak maski Nia riku, atu husi nia kiak, imi bele sai riku" (1 Kor 8, 9).

Nia saran nia moris. Liafuan habadak tiha an. "Tradisaun patrística no medievál, bainhira kontempla «Kristologjia Liafuan nian», uza espresaun sugestiva ida" *Liafuan habadak tiha an...* Oan mak liafuan, *Logos*: Liafuan rohan-laek ne'ebé halo an ki'ik – ki'ik tebes to'o bele tama iha balada han-fatin ida nia laran. Liafuan sai labarik atu ita bele komprende (*Verbum domini*, 12).

No ita, hanesan Oan ita saran ita-nia moris tomak. "Ita moris ita-nia vokasaun[...] nu'udar resposta ba Aman ne'ebé iha Kristu konsagra ita, halibur ita no haruka ita. Hodi Espiritu Santu nia grasa ita

saran an tomak ba Maromak ne'ebé ita hadomi liu buat hotu; hodi tuir Kristu besik liu tan iha ninia misaun salvasaun" (Konst 8).

Nune'e ita haklaken ita-nia hakarak atu moris ba Maromak nia glória iha serbisu ida evangelizasaun nian ba foinsa'e sira hodi la'o hamutuk ho sira tuir dalan santidade nian (Konst 5).

Ita iha patrimóniu espirtuál ne'ebé simu inspirasaun husi Kristu Bibi-Atan Di'ak no ita saran ita-nia moris ba Na'i hodi sai ba foin-sa'e sira sinál no espresaun ninia domin preventivu.

Medita hodi atualiza...

Ita-nia identidade vokasionál nu'udar konsagrada saleziana mak sinál profétiku ida ba mundu.

Defaktu:

iha ita-nia sociedade, iha-ne'ebé ema nia isin ho ninia fafurak no nia forsa hatudu sai atu ema tanaat, atu abuza, iha-ne'ebé ema la koñese onaliafuan "domin" ninia signifikadu, iha-ne'ebé ema lakon nia valor nu'udar sujeitu atu sai objetu ba prazér no dimensaun relasaun no resiprosidade nian hatudu an nu'udar violénsia...

Iha ita-nia sociedade iha ne'ebé buat hotu, ekonomia, política, "show" sira, até produktu farmaseútiku sira (no saúde!), hotu-hotu iha funsaun atu serbí osan...

Iha ita-nia sociedade iha-ne'ebé rai no ninia rekursu sira hetan esplorasau la tuir regra, la tau matan, estraga laho responsabilidade no laho sentisu nune'e prepara daudaun futuru mundu ne'e nian ne'ebé la di'ak ba ema atu moris bá...

Iha ita-nia sociedade iha-ne'ebé hakarak katak poder, iha-ne'ebé eziste "Ha'u" laho "Ó" (divinu no umanu), iha-ne'ebé liberdade laiha tan ona limite étiku valór ema nian, nune'e tan egoísmu ka tan beik, bele abuza, hanehan, rejeita ka, ho modu trájiku, oho...

Iha ita-nia sociedade iha-ne'ebé la hatene ona sai aman no inan ne'ebé hahoris oan, iha atensaun ba moris no tau matan ba jersaun abanbainrua...

...ita "FMA halo nu'udar ita-nian rasik moris kastu, kiak no obediente ne'ebé Maromak Nia Oan hili ba nia an rasik, hafoun nafatin ita-nia karan ba Maromak hodi saran ita-nia kapasidade atu hadomi, hakaran atu soi, possibilidade atu regula moris rasik, ita sei hetan liberdade interior" (Kf Konst 11).

Ita-nia prezensa ható'o ba mundu katak domin belek, katak "ba nafatin" mak buat ida ita bele halo se iha nu'udar fundamentu Maromak ne'ebé domin no hakonu ita-nia kbiit-laek sira.

...ita-nia an nu'udar ita la depende ba buat ne'ebé ita soi no katak buat hotu ita simu de'it atu uza la'ós nu'udar propriedade, katak ita mak mahein la'ós patraun, katak soim loos ne'ebé ita labele lakon mak Maromak.

...katak maternidade ne'ebé mai husi saran an tomak ba Maromak buras duni, promove foin-sa'e sira nia moris no fó ba sira moris nakonu no rohan-laek hodi "kolabora ho Espíritu Santu atu halo Kristu moris iha sira-nia fuan" (Konst 7) no ida-ne'e bele hakonu moris no haraik ksolok.

Ita-nia karizma permite atu ita sai sinál no espresaun ba Maromak nia domin ne'ebé ema no foin-sa'e sira hein hela, domin ida haree-belek/vizível no sensível ""amorevolezza" saleziana, ne'ebé halo ita naksira Maromak nia domin no sai Maria inan di'ak nia ilas" (Konst 14).

Se ita moris ho forma auténtiku ita-nia identidade ita iha kboot atu esprime Maromak nia faxíniu (buat ne'ebé halo ita admira) ba foin-sa'e sira no sai comunidade ne'ebé bolu, halibur, dada ba Nia. Ho modu definitivu ita bele esprime ita-nia karaterístika sira nu'udar "comunidade vokasionál".